

Mauri mai NICARAGUA!

Nicaragua bon te aba i Amerika Nuuka.
E nakon 7 te mirion aomata aika a maeka ikekei!



KABUTANAKOAN TE EUNGKERIO

Taian moan mitinare a roko i Nicaragua i nanon 1953. Ngkai e a raka i aon 100,000 kain te Ekaretia ikekei! E a reke naba aia tembora are e tabe ni kateaki.



BAKOAN NEIN NICARAGUA

Buuru bakoa a kona ni maeka n taari ao te nei. Aio nanona bwa a kona ni maeka n te marawa, karaanga, ao nei! A uaua man marawan te Atlantic rinanon te karaanga ni maeka n Nein Nicaragua.


¿Nahki sma?

Anne nanona "ko uara?" n te taetae n Miskito!



PALO DE MAYO

Kain Nicaragua a kakaraoa te bukamaru ae aranaki bwa Palo de Mayo ngkana e roko te tai ni kakarau. A katamaroa te aroka ke te kai ma reeben aika matamata ni mwamwaie i rarikina ao ni kaungaia i nanon namwakaina ni kabane.



AIA TAETAE

Te taetae ae bwainaki bon te taetae n Spanish. Tabeman aomata a kabonganai naba taetaen abaia n aron Miskito, Sumo, ao Rama.

KAMATAAN TE TAMINEI IROUN DAVE KLUG



Chuwis

Te takakaro ae te Chuwis e bwainaki irouia ataein Nicaragua. N te takakaro aei, ko kainnanao te biin ae kiriin (ke te kai) ao te bwangabwanga i aontao (ke te mwangko). Anganiia niiman taan takakaro nimaua te biin ae kiriin. Te moan tia takakaro e karenako te biin ae kiriin i nanon te bwangabwanga teuana i mwiin teuana. Ngkana e aki teke, a toki, ao te tia takakaro are i mwina e a nako. Te moan tia takakaro are e karini ni kabane biin aika kiriin i nanon te bwangabwanga e moanna!



BWAINA

Gallopinto

I Nicaragua, a mwaiti aomata aika a kana te amwarake ae te raiti ao te biin ni katoabong. Aio bwaina ngkana ko na kataia!

1. Kabuea **2 te buun n amwarake te oera** ao **½ anian ae babobo ae korekoreaki**. Kaboboa i nanon 5 te miniti.
2. Kabobo ni kabwaka **1 ½ mwangko te raiti ae mainaina** ibukin 2 nakon 3 te miniti.
3. Kabwaka **taoro** ao **3 te mwangko n ran**. Kanakoa koraana **te iterana te bebwa ae kiriin** ao katoka i eta.
4. Rabunna ao kuukanna i nanon 15 te miniti ni karokoa e a bane ranna.
5. Kanakoa te bebwa are e mwai ao kaboboa ni kabwaka **2 te mwangko te biin ae uraura ke roroo** ao **½ buun ae uarereke te garlic bwauta**. Kamwaia i nanon 10 te miniti.

Kakoaua bwa e reke buokam iroun ae e ikawai!